



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dialogue De La Tres-Sainte Vie De La Vierge Marie. De  
ses eminentes perfections, & les devoirs que nous luy  
deuons rendre**

**Pont-A-Movsson, 1649**

CLXV. Sommes nous obligez d'aimer la Vierge?

[urn:nbn:de:hbz:466:1-46934](https://nbn-resolving.org/urn:nbn:de:hbz:466:1-46934)

quoy les Saincts Peres assurent, que nul n'est garenty d'aucun mal, & nul ne reçoit aucun bien que par son entremise.

## CLXIV.

*Après la confiance quel est nostre devoir envers la Vierge?*

C'est de l'aimer de tout nostre cœur, ce qui arriuera si nous luy désirons tous les biens dont elle iouit, & iouira à iamais, soit au Ciel, soit en la terre: Si nous nous complaisons en ses grandeurs, & perfections; si nous procurons qu'elle soit connue, & aimée de tous, comme elle le mérite; si nous avons vne grande douleur, & desplaisir des offenses qui se commettent contre son honneur, & seruire; si nous ressentons vne puissante resolution de l'honorer, & de luy rendre tous les offices de pieté que nous pourrons.

## CLXV.

*Sommes nous obligez d'aimer la Vierge?*

N'en doutez pas: 1. Pour ce que

c'est la plus aimable de toutes les pures creatures; à raison de tant & tant de graces, & prerogatiues qu'elle a receu de Dieu. 2. D'autât qu'elle est la gloire, l'honneur, & le plus bel ornement de la race humaine; c'est pourquoy on luy peut dire le meilleur tiltre qu'à Iudith. *Vous estes l'honneur de nostre nation.* 3. Parce qu'elle a tousiours exercé en nostre endroit tous les bons offices d'une tres-soigneuse, & tres-aimable Mere.

CLXVI.

*Auez vous d'autres motifs qui nous portent à ce faire?*

Si nous aimons si tendrement nos parens, & bien-facteurs; si la vertu est tant aimable, en ceux mesmes qui nous sont ennemis, & contraires; si l'amour qu'on nous porte est vn si puissant motif pour en produire vn autre reciproque; la Vierge nous aimant, & aiant tousiours eu enuers nous vn vray cœur de Mere, nous obligeant en mille